

清代專題檔案

康熙朝雨雪糧價史料

綫裝書局

劉子揚
張莉編

康熙朝雨雪糧價史料



三

綫裝書局

山西巡撫收才噶禮謹具摺奏，爲奏聞事。
竊山西省仰賴皇上之福，今年夏麥豐收，
秋禾生長又甚好，現俱秀實。於六月雨水雖足，
但山西地方高田甚多，不致存水，秋收大有可
期。一二處沿河低田，水雖驟漲，但即退落，故
亦無妨。倘若所報實有成災者，則收才將題報。
目下小米賣價，每倉斗銀六分八九厘不等，兵

民樂業。奴才謹具摺奏聞。

硃批：知道了。京城周圍雨水雖足，但還好，口外田禾甚好。又據風聞，爾與索額圖甚好，看索額圖指示行事。等語。想爾為妃母胞弟所生之子，凡所思所行，應向着裕王與朕，而為何向着索額圖。此事著明白具奏，密之。

山西巡撫奴才噶禮謹具摺，望闕叩頭，恭請聖安。

又奏：今年山西省田禾，在沿河窪低一二處田地，六月二十日以前，被雨水稍損，查之未成災，故照例未奏報。自七月以來，仰賴皇上之福，雨水時施，秋禾甚好，將於八月初十日始陸續收割。候收割後，奴才另摺具奏。目

下小米售價，每倉斗銀六分八九厘不等，兵民樂業。奴才謹具奏聞。奴才親手書寫。

硃批：朕體安好。糧食事知道了。

奏

管理蘇州織造

臣李



謹

奏恭請

皇上萬安目下蘇州地方田禾茂盛米價

如常但入伏之後雨水未敷平陽之
田有水可車大約無妨惟山田覺旱
地方官現在祈禱若七月十五以內
甘霖霑足則豐稔可期勿煩

聖念也禮部侍郎臣高士奇於六月三十

日已在籍病故有巡撫臣宋學奏摺

一封因臣煦前奉

諭旨特為奏達伏乞

睿鑒施行

知道了

康熙四十二年七月

日

甘肅巡撫齊世武謹奏，為奏聞雨水調勻並
夏秋收穫情形事。

竊收才查得，甘肅屬地，今年雨水調勻，田
禾甚好。但崇新、鎮遠二縣田禾，稍受雹打，收
才早已請旨散糧賑濟。涇州雖先報蟲災，但繼
之蟲已死絕，不致為災。將此早已報部。

再，據衛守備報稱，肅州衛地方雨水雖偏

多，但農田無損，茲令詳查。寧夏衛屬楊新堡地方低窪，雖賀蘭山近，七月初三日，山水驟下，堡內房田，稍被水冲。等語。今田禾臨近成熟，水退成災與否，尚難料定。收才仰體皇上軫念民生之至意，除將行文司、道各官賑糧之處另行奏報外，據報其餘四府，近邊州縣衛所，皆仰賴皇帝洪福，夏糧收成皆八九十分不等。等語。目下秋禾長勢甚好，因地方冷，收期較遲。再者，收才詳查各該地所報秋禾情形，

收成可望八九十分不等。各屬地麥、米價，較去歲大減，百姓安居樂業。將夏糧頗收、秋糧收成可望八九十分之處，恭摺奏聞。

硃批：知道了。

四川、陝西總督臣覺羅華顯謹奏，爲奏聞陝西屬秋禾長勢並甘肅地方夏糧收成分數事。

竊奴才看得，陝西屬地，八月雨水時若，秋禾長情，高而穗大，省城周圍早種之禾，皆已收割，其後種者，自九月二十日始收割。咸寧、長安等州縣收成有九十分；鳳翔屬各州縣皆有八九分。今年陝西屬各地夏糧大概稍歉，但秋

禾均比往年強。再，甘肅各地，夏糧皆收完。臨洮之蘭州，鞏昌之隴西等各州縣，麥、豆收成皆有八九分以致十分，糧價漸平。平涼、慶陽地方，收成稍遜，亦有六七分不等；固原、寧夏等地，亦有八九分；西寧、莊浪、涼州等地，有七八分收成。惟甘州、肅州地方，因雨水多，收成稍歉，但亦有六七分。秋禾長勢亦甚好，民生漸復蘇。理合恭摺奏聞。

硃批：聞陝西省糧谷豐收，深慰朕懷。但

陝西、山西省不通水路，偶遇災祲，困難不堪。自古不能消災，以備荒爲要。先曾被災數次，看總督、巡撫等，無一盡心籌劃者。今正值糧谷豐收，莫要於各自積貯。此預備事宜，爾應會該管官及三巡撫，盡心詳議。

江寧織造郎中臣曹寅謹

奏恭請

聖安臣寅自幼蒙養得備下走之任仰見我

皇上軫念民生宵衣旰食無一刻不以水旱荒歉為急務祇因江南等處地方
方窩遠風雨不時所聞異同不敢草率具

奏且上江俱蒙

皇恩蠲免錢糧江南上下江連年豐熟米價不出菜錢上下近見山左水災

蒙

皇上蠲免錢糧截留漕米使地方官能仰體

皇東未雨綢繆應不至此近又蒙

特命大臣及八旗人員捐

帑賑濟百姓沾沐

皇恩亘古所無臣實愚昧不能即將江南地方情由時刻上

奏遠慰

聖懷臣實負罪誠為深重臣實於臣李煦摺內

旨到之日除各處變季已經成熟外謹將所訪各處秋收豐歉及米價情由

細具單摺恭呈

御覽江寧為各省水旱通行碼頭皆訪之米客行商應無差謬謹此

奏

聞伏乞

睿鑒臣實不勝激切惶悚之至

刻江南收成米價賤朕心甚是喜悅